

## **Kapya môᶇ atu ba Pol hato hi Tesalonaika Abô môᶇ**

Tesalonaika ma malak bêᶇ hamô ᶇᶇwêk daᶇ. Avômalô loᶇ êᶇ ma hatôm 200,000. Plovins Masedonia iniᶇ gavman êmô Tesalonaika ba eyabin plovins.

Pol bôk hawa Abô Mavi ba hi Tesalonaika, ma doᶇtom ᶇê Islael doho leᶇiᶇmaniᶇ. Ba intu hasôv ba hi Belia vêm ma hi Atens vêm ma hi Kolin (Ap 17-18). Yani hayô loᶇ êᶇ ma hato kapya êntêk hadêᶇ avômalô Tesalonaika. Yani bôk hamô havin avômalô Tesalonaika sawa bidoᶇ ma hatak i kethêᶇ ba hi ba intu hato ek embatho iniᶇ êvhavin loᶇ ek nimiᶇ lôklokwaᶇ esak malain. Ma hato abô hathak Wapômbêᶇ anêᶇ lahavin takatu ba nêmo lo nembêᶇ esak lôk malêla takatu ba tem êpôm ᶇê êvhavin takatu ba bôk ema hadêᶇ waklavôᶇ atu ba Yisu miᶇ halêm pik ami denaᶇ.

Êntêk ma Pol anêᶇ kapya môᶇ atu ba hato hi ek thêlô hadêᶇ 51 AD la.

### *Pol hêv lamavi*

<sup>1</sup> \*Ya Pol ma Silas lo Timoti ato kapya êntêk hadêᶇ môlô avômalô ôêvhavin takatu ba ômo havin Kamik Wapômbêᶇ lo Anyô Bêᶇ Yisu Kilisi anêᶇ Tesalonaika.

Wapôm lôk labali êmô imbiᶇ môlô.

---

\* **1:1:** Ap 17:1-9

*Pol lamavi hathak avômalô Tesalonaika iniņ êvhaviņ*

<sup>2</sup> Wak nômbêņ intu sapêņ ma yêlô aêv leņiņmavi hadêņ Wapômbêņ hathak môlô sapêņ ba atenĵ mek ek môlô ma miņ atak ami. <sup>3</sup> \*Yêlô amô alalôaniņ Kamik Wapômbêņ thohavloma ba leņiņhabi môlônim ôêvhaviņ anêņ ku lôk lemimhaviņ avômalô ba ôêv i sa lôk ôêv malemim ek alalôaniņ Anyô Bêņ Yisu Kilisi anêņ waklavôņ endelêm ba umiņ lôklokwaņ.

<sup>4</sup> Aiyaņ thêlô, Wapômbêņ lahaviņ môlô ba yêlô ayala nena bôk halam môlô yôv ek numbitak yani anêņ <sup>5</sup> \*ek malê nena môņ anôņ ma yêlô aêv Abô Mavi hadêņ môlô ma miņ halêm hatôm abô oyaņ ami. Mi, halêm haviņ lôkliņyak lôk Lovak Matherĵ ma kapôlôņiņ anôņ. Ma môlô oyala kobom takatu ba yêlô bôk adum amô môlô malêvôņ ek hêv môlô sa. <sup>6</sup> \*Wak êņ ma môlô ôpôm malaiņ lomaloma, ma doņtom owa abô takatu thô lôk kapôlômim mavi atu ba halêm anêņ Lovak Matherĵ. Udum aêņ ba intu osopa yêlô lôk Anyô Bêņ veņiņgwam. <sup>7</sup> Êņ ma hatôm môlô uik loņôndê mavi thô hadêņ avômalô êvhaviņ sapêņ anêņ plovins Masedonia lo Akaia. <sup>8</sup> Ma anêņ môlô ma Anyô Bêņ anêņ abô hi yaiņ ba halaņ hatôm lavuak hêk Masedonia lo Akaia. Ma doņtom miņ hamô loņ êņ iyom ami. Mi, avômalô pik sapêņ elañô abô hathak môlônim ôêvhaviņ Wapômbêņ. Aêņ ba yêlô a loņ buyaņ ma thêlô bôk elañô yôv. <sup>9</sup> Ma enaņ nena môlô owa yêlô thô mavi anôņ ba otak unim ngôk ma ole

---

\* **1:3:** 1Ko 13:13; Kol 1:4-6    \* **1:5:** 1Ko 2:4-5    \* **1:6:** Ap 17:5-9

am liliŋ ek udum Wapômbêŋ avanôŋ atu ba hamô lôkmala anêŋ ku. <sup>10</sup> Lôk oyabiŋ anêŋ Nakaduŋ atu ba bôk hik liŋ hêk ŋama. Yisu tem êlêm anêŋ lenj ek nê m alalô vê ênjêk waklavôŋ lamaniŋ atu ba tem imbitak embenj yam.

## 2

*Pol anêŋ ku takatu ba bôk hadum hêk Tesalonaika*

<sup>1</sup> Aiyaŋ thêlô, môlô oyala nena yêlô bôk ayô amô havinj môlô ma miŋ aêv yak ami. Mi, ku êŋ hik anôŋ. <sup>2</sup> \*Ma môlô oyala nena yêlô bôk awa vovaŋ lôk mama hêk Pilipai. Vêm ma yêlô atak Pilipai ba a môlônim loŋ ma Wapômbêŋ havatho yêlô loŋ ba hêv yêlô sa ek miŋ nakô esak ŋê lôklokwan takatu ba iminj yêlô loŋ sinj ami. Aêŋ ba intu anaŋ Wapômbêŋ anêŋ Abô Mavi hadêŋ môlô. <sup>3</sup> Abô takatu ba yêlô asonj môlô lokwanj miŋ halêm anêŋ auk lokbanj lôk auk lôŋgôlôŋ ma adum ek nasau môlô ami. <sup>4</sup> \*Mi anôŋ. Wapômbêŋ bôk hayê yêlô nena hatôm ba intu hatak ku nanaŋ anêŋ Abô Mavi bêŋ halôk yêlô bahenj. Aêŋ ba yêlô miŋ anaŋ abô ek indum avômalô lenjŋmavi ami. Mi, yêlô adum ek indum Wapômbêŋ atu ba hatitinj yêlô kapô mavi. <sup>5</sup> Môlô oyala nena yêlô miŋ anaŋ abô ek nadôk môlô lemim mena nasau môlô ek naja môlônim nômlate ami. Mi anôŋ, Wapômbêŋ da hamô ba hayê yêlô. <sup>6</sup> Ba intu miŋ adum ek môlô mena avômalô la nebam yêlô ami.

<sup>7</sup> Yêlô ma Kilisi anêŋ aposel ba intu hatôm natenj môlô ek nônêm yêlô sa. Ma donjtom dô, yêlô bôk

\* **2:2:** Ap 16:19-24; 17:1-9      \* **2:4:** Gal 1:10

amô labali mavi haviņ môlô hatôm avi te hayabiņ anêņ nali. <sup>8</sup> Sêbôk ma yêlô leņiņhaviņ môlô bêņ anôņ ba intu yêlô leņiņmavi ba aêv Wapômbêņ anêņ Abô Mavi hadêņ môlô lôk yêlô aêv yêlôda haviņ ek malê nena yêlô leņiņhaviņ môlô bêņ anôņ. <sup>9</sup> \*Aiyaņ thêlô, lemimimbi ku takatu ba yêlô bôk adum amô haviņ môlô. Yêlô amô ek anañ Wapômbêņ anêņ Abô Mavi, ma doņtom wak lo bôlôvôņ ma adum ku bêņ haviņ ek napôm nôm naņgaņ ek nê m leņviņkupik sa. Yêlô adum aêņ ek miņ nanê m malaiņ te êndêņ môlô ami. <sup>10</sup> Môlô lôk Wapômbêņ oyala nena yêlô bôk adum kobom mathêņ lôk thêthôņ ma kambom mi hêk avômalô maleņiņ hadêņ môlô avômalô takatu ba ôêvhaviņ. <sup>11</sup> \*Ma môlô oyala nena yêlô bôk adum hadêņ môlô tomtom hatôm lambô hayabiņ nali. <sup>12</sup> Ba asoņ môlô lokwaņ lôk athô môlô ba aya ma aêv auk mavi ek nô m ô êtôm Wapômbêņ anêņ lahaviņ. Yani ma ôpatu ba halam môlô ek nô m ô anêņ loņ lôkliņyak lôk lôkmaņgiņ kapô.

<sup>13</sup> \*Ma yêlô athak anañ leņiņmavi hadêņ Wapômbêņ hatôm wak nô mbêņ intu hathak yêlô bôk anañ Wapômbêņ anêņ abô hadêņ môlô ba olaņô ba ôêvhaviņ nena abô êņ ma Wapômbêņ da anêņ abô, ma miņ nosoņ nena anyô late anêņ abô ami. Mi, abô êņ ma halê m anêņ Wapômbêņ ba hadum ku hamô môlô ñê ôêvhaviņ kapôlômim.

<sup>14</sup> \*Aiyaņ thêlô, môlô bôk owa vovaņ hatôm Wapômbêņ anêņ avômalô anêņ Israe l takatu ba êvhaviņ Yisu Kilisi. Môlô da unim avômalô bôk

---

\* **2:9:** Ap 20:34    \* **2:11:** Ap 20:31    \* **2:13:** 2Te 2:13    \* **2:14:** Ap 17:5

êv vovaņ hadêņ mômô hatôm avômalo Israeł bôk êv hadêņ iniņ avômalo takatu ba êvhaņiņ Yisu. <sup>15</sup> \*Avômalo Israeł êņ bôk ik Anyô Bêņ Yisu lôk plopet pômônô ma êv yêlô vê haņiņ. Wapômbeņ miņ lamavi hathak thêlô ami, ma thêlô ethak êpôlik ek avômalo pik sapêņ <sup>16</sup> ba idum ek ni miņ yêlô loņ siņ ek miņ nanaņ Wapômbeņ anêņ abô êndêņ ñê loņ buyaņ ek Wapômbeņ nêm thêlô bulubiņ ami. Ba intu thêlôniņ kambom hathak halumbak ba Wapômbeņ anêņ lamaniņ lêk hayô hamô i yôv.

### *Pol lahiki ek ênjê avômalo Tesalonaika*

<sup>17</sup> Aiyaņ thêlô, bôk êv yêlô vê hêk mômô vauna ba abitak hatôm avômalo baloņ, ma doņtom yêlô kapôlôņiņ hamô haņiņ mômô denaņ. Ba intu yêlô leņiņhiki bêņ anôņ ek nagê mômô, lôk adum lôklokwaņ ek nasôk esak loņbô. <sup>18</sup> Yêlôaniņ auk lôklokwaņ ek nasôk nagê mômô ma ya Pol ya-hadum lôbôlôņ ek yasôk, ma doņtom Sadaņ hamiņ yêlô loņ siņ. <sup>19</sup> \*Malê te intu tem indum yêlô maleņiņ mavi lôk leņiņmavi lôk êtôm kuluņ kêkêlô atu ba nêm athêņ bêņ êndêņ yêlô ênjêk Anyô Bêņ Yisu thohavloma êndêņ waklavôņ endelêm? Mômô iyom! <sup>20</sup> Avanôņ, mômô ma yêlôaniņ lôkmaņgiņ lôk leņiņmavi anôņ.

## 3

### *Pol hêv Timoti hi Tesalonaika*

---

\* **2:15:** Ap 9:23,29; 13:45,50; 14:2,5,19      \* **2:19:** Plp 2:15-16; 4:1; 2Te 1:4

<sup>1</sup> \*Bôk yêlô leñiñmalaiñ hathak môlô ba miñ hatôm nayabiñ sawa daim ami. Ba intu yêlô leñiñhabi nena yai iyom namô Atens <sup>2</sup>\* ma nanêm Timoti êsôk. Yani ma yêlôaniñ aiañ ba yêlô lôkthô ma Wapômbêñ anêñ nê ku haviñ i ek anañ Kilisi anêñ Abô Mavi bêñ. Yêlô êv yani ek embatho môlô loñ lôk êsô môlô liñ esak unim ôêvhaviñ <sup>3</sup>\* ek malaiñ lomaloma miñ imbuliñ môlô ami. Môlô bôk oyala yôv nena Wapômbêñ bôk hatak malaiñ takêñ ek êpôm alalô takatu ba aêvhaviñ. <sup>4</sup> Sêbôk atu ba yêlô amô haviñ môlô ma anañ lôbôlôñ nena tem alalô naja malaiñ lomaloma. Ma môlô oyala nena nôm takêñ lêk habitak yôv. <sup>5</sup> Ba intu miñ hatôm yêlô namô sawa daim ami ba yahêv Timoti hathôk ek êñjê môlônim ôêvhaviñ. Yakô ek anyô halôk avômalô leñiñ atu\* esau môlô ba yêlôaniñ ku takatu ba adum hathak môlô tem imbitak êtôm nôm oyañ.

*Timoti hêv Pol thêvô hathak Tesalonaika iniñ êvhaviñ*

<sup>6</sup> \*Ma lêk Timoti hatak môlô ba halêm hathak loñbô ma hawa abô mavi hathak môlônim ôêvhaviñ lôk lemimhaviñ. Yani hanañ nena môlô othak lemimhabi yêlô lôk lemimmavi. Ma lemimhaviñ lôklokwañ ek ôngô yêlô ma yêlô aêñ iyom. <sup>7</sup>\* Ba intu aiañ thêlô, môlônim ôêvhaviñ hêv yêlô thêvô hathak malaiñ lôk vovañ lomaloma takatu ba hapôm yêlô. <sup>8</sup> Êñ ma yêlô ayala nena môlô umiñ lôklokwañ hathak Wapômbêñ ba intu

---

\* **3:1:** Ap 17:15      \* **3:2:** Ap 16:1-3      \* **3:3:** 2Ti 3:12      \* **3:5:**  
 Anyô êj ma Sadañ.      \* **3:6:** Ap 18:5      \* **3:7:** 2Te 1:4

hadum yêlô amô lôkmala hathak loŋbô. <sup>9</sup> Ma yêlô abôi ba leŋiŋmavi anêŋ dôêŋ hathak môlô hêk Wapômbêŋ ma ba intu miŋ hatôm nabam leŋiŋmavi êŋ katô êndêŋ Wapômbêŋ ami. <sup>10</sup> Wak lo bôlôvôŋ ma yêlô atêŋ mek lôklokwaŋ ek nasôk nagê môlô lôk nanêm môlô sa esak nôm takatu ba mi denaŋ ek unim ôêvhaviŋ injik lôkanôŋ.

*Pol hateŋ mek hathak avômalô Tesalonaika*

<sup>11</sup> \*Alalôaniŋ Kamik Wapômbêŋ da lôk alalôaniŋ Anyô Bêŋ Yisu tem nepesaŋ loŋôndê thêthôŋ te ek yêlô nasôk nagê môlô. <sup>12</sup> Ma Anyô Bêŋ indum ek môlô lemimimbiŋ avômalô êvhaviŋ lôk avômalô sapêŋ bêŋ anôŋ êtôm yêlô adum hadêŋ môlô. <sup>13</sup> Ma yani embatho môlô kapôlômim loŋ ek môlô nômô mathêŋ ma kambom mi ênjêk alalôaniŋ Kamik Wapômbêŋ ma êndêŋ wak atu ba alalôaniŋ Anyô Bêŋ Yisu endelêm imbiŋ anêŋ nê mathêŋ.

## 4

*Nasopa Wapômbêŋ anêŋ lahaviŋ*

<sup>1</sup> Yôv, aiyaŋ thêlô, yêlô bôk adôŋ môlô hathak Wapômbêŋ anêŋ loŋôndê nômô lo nombeŋ ek nundum yani lamavi ma lêk osopa yôv. Ma yêlô asoŋ môlô lokwaŋ hathak Anyô Bêŋ Yisu anêŋ athêŋ nena nosopa loŋôndê êŋ mathalaleŋ. <sup>2</sup> Môlô oyala abô takatu ba yêlô bôk aêv hadêŋ môlô hathak Anyô Bêŋ Yisu anêŋ lôklokwaŋ yôv.

<sup>3</sup> \*Êntêk ma Wapômbêŋ anêŋ lahaviŋ nena môlô numbitak mathêŋ ba notak sek waliliŋ. <sup>4</sup> \*Yani lahaviŋ môlô tomtom noyabiŋ unim kupik êtôm

---

\* **3:11:** 2Te 2:16-17    \* **4:3:** 1Te 5:23; 1Pi 1:16    \* **4:4:** 1Ko 6:13

Wapômbêḡ anêḡ ek avômalô lôkthô nebam. <sup>5</sup> Miḡ thethaḡak êmbôv o inañ ḡê daluk ami. Thêlô miḡ eyala Wapômbêḡ ami. <sup>6</sup> Ma miḡ môlô nosau môlôvianḡ ba nundum sek esak vêḡi ami. Yêlô bôk anañ lôklokwanḡ hadêḡ môlô yôv nena Wapômbêḡ tem nêḡ vovaḡ vianḡ esak nôḡ takêḡ lôkthô. <sup>7</sup>\*Wapômbêḡ miḡ halam alalô ek namô lelaik ami. Mi, halam alalô ek namô mathenḡ. <sup>8</sup>\*Aêḡ ba ôpatu ba hadô abô êntêk ma hadô Wapômbêḡ atu ba hêv anêḡ Lovak Mathenḡ hadêḡ môlô. Ma miḡ hadô anyô iyom iniḡ abô ami.

### *Alalô leḡiḡimbiḡ avômalô*

<sup>9</sup>\*Wapômbêḡ bôk hadôḡ môlô yôv hathak kobom leḡiḡimbiḡ môlôvianḡ ba intu yêlô miḡ hatôm nato abô esak kobom êḡ ami. <sup>10</sup> Môlô bôk udum aêḡ hadêḡ môlôvianḡ takatu ba êḡ malak nenanena anêḡ plovinḡ Masedonia kapô. Ma doḡtom aianḡ thêlô, yêlô asoḡ môlô lokwanḡ ek nundum aêḡ mathalalenḡ. <sup>11</sup>\*Ma nundum ek nôḡ labalina lôk noyabiḡ amda unim ku. Ma nundum ku ek nôḡ am sa êtôm atu ba yêlô bôk anañ hadêḡ môlô yôv. <sup>12</sup> Nundum aêḡ ek miḡ nôḡ malainḡ êndêḡ anyô yanḡ ek eyabiḡ môlô ami, lôk ḡê takatu ba miḡ êvhavinḡ ami tem nêḡ môlônim kobom nena mavi anôḡ.

### *Waklavôḡ Yisu endelêḡ*

<sup>13</sup> Aianḡ thêlô, yêlô leḡiḡhavinḡ môlô noyala katô esak malêla takatu ba tem êpôm ḡê êvhavinḡ takatu ba bôk ema yôv. Yakô môlô kapôlômim malainḡ

---

\* **4:7:** Hib 12:14; 1Pi 1:15-16      \* **4:8:** Luk 10:16; 2Ko 1:22      \* **4:9:** Jon 13:34      \* **4:11:** Ep 4:28



êtom nê daluk takatu ba miŋ êv maleŋiŋ ek nimbiyô esak loŋbô ami. <sup>14</sup> \*Alalô êvhaviŋ nena Yisu hama ba haviyô hathak loŋbô. Ba intu alalô aêvhaviŋ nena nê êvhaviŋ Yisu takatu ba bôk ema yôv ma tem Wapômbêŋ injik i liŋ êtom hik Yisu liŋ ba nimbiyô esak loŋbô ba nêlêm imbiŋ Yisu. <sup>15</sup> \*Êntêk ma Anyô Bêŋ Yisu da anêŋ abô takatu ba lêk yêlô anaŋ. Alalô takatu ba amô lôkmala denaŋ ma Anyô Bêŋ anêŋ waklavôŋ endelêm hayô ma tem miŋ ana namôŋ ek avômalô takatu ba bôk ema yôv ami. <sup>16</sup> Mi, Anyô Bêŋ da tem êndôk anêŋ leŋ lôk kaêk ma aŋela bêŋ atu tem endam ma Wapômbêŋ anêŋ lavuak tem niyuv. Êŋ ma nê ŋama takatu ba bôk êvhaviŋ Kilisi tem nimbiyô môŋ. <sup>17</sup> Êŋ ma Wapômbêŋ tem isup alalô takatu ba amô lôkmala denaŋ lôk nê ŋama takatu ba êvhaviŋ ek napôm Anyô Bêŋ êndôk buliv. Ma tem namô imbiŋ yani wak nômbêŋ intu sapêŋ. <sup>18</sup> Aêŋ ba nônem am da thêvô esak abô êntêk.

## 5

### *Nôpôpêk am ek Anyô Bêŋ anêŋ endelêm*

<sup>1</sup> Aiyaŋ thêlô, yêlô miŋ hatôm nato abô êndêŋ môlô esak wak lo ayôŋ alê intu ba Anyô Bêŋ tem endelêm esak loŋbô ami. <sup>2</sup> \*Mi. Môlô bôk oyala yôv nena Anyô Bêŋ anêŋ waklavôŋ ma tem êlêm êtom anyô vani halêm hadêŋ bôlôvôŋ. <sup>3</sup> \*Avômalô tem nenaŋ nena, “Alalô lêk amô mavi ma malaiŋ mi.” Êŋ ma kethêŋ oyaŋ ma malaiŋ bêŋ tem

\* **4:14:** Lom 14:9; 1Ko 15:3-4,12      \* **4:15:** 1Ko 15:51-52      \* **5:2:** Mat 24:42-43; 2Pi 3:10; ALK 3:3      \* **5:3:** Mat 24:39; Luk 21:34-35

imbuliņ thêlô êtôm vovaņ hapôm avi lôk lasaben ek embathu. Ba tem miņ nêsôv ami.

<sup>4</sup> Ma doņtom, aiaņ thêlô, môlô miņ ômô momaņiniņ ek waklavôņ êņ indum môlô noboloba êtôm anyô vani te ami. <sup>5</sup> \*Mi, alalô sapêņ ma wak lo deda iniņ avômena ma miņ bôlôvôņ lo momaņiniņ iniņ ami. <sup>6</sup> Ba intu napuki loņ ba namô lêlê ma miņ naņgêk êtôm avômalô vi ami. <sup>7</sup> Ma vi atu ba êk sôm, ma êk hadêņ bôlôvôņ. Ma vi atu ba inum waiņ ba elo molo, ma elo molo hadêņ bôlôvôņ. <sup>8</sup> \*Ma doņtom alalô ma wak anêņ ba intu napuki loņ. Ma alalôaniņ aêvhaviņ lôk leņiņhaviņ tem êtôm moko biņdaluk. Ma nanêm maleņ ek waklavôņ Wapômbêņ nêm alalô bulubiņ tem êtôm akôk kuluņ vovak.

<sup>9</sup> Wapômbêņ hatak alalô ek nêm alalô bulubiņ esak alalôaniņ Anyô Bêņ Yisu Kilisi ma miņ hatak alalô ek naja anêņ lamaniņ ami. Mi. <sup>10</sup> \*Yani hama ek alalô ba intu alalô amô lôkmala mena ama ma hatôm amô lôkmala haviņ yani. <sup>11</sup> Aêņ ba nônêm amda thêvô lôk nobatho am loņ êtôm intu othak udum.

### *Nê êvhaviņ iniņ loņôndê nesopa*

<sup>12</sup> Aiaņ thêlô, yêlô anaņ ek môlô nodovak ñê takatu ba idum ku bêņ hathak môlô lôk eyabiņ môlô hathak Anyô Bêņ anêņ ku lôk ik auk mavi thô hadêņ môlô ek notak kobom kambom. <sup>13</sup> Ma lemimimbiņ i ba nônêm athêņ bêņ êndêņ ñê takêņ esak iniņ ku. Ma nômô yôhok mavi imbiņ am.

<sup>14</sup> \*Aêņ ba aiaņ thêlô, yêlô asoņ môlô lokwaņ

---

\* **5:5:** Lom 13:12    \* **5:8:** Ais 59:17; Ep 6:14,17    \* **5:10:** Lom 14:8-9; 1Te 4:14    \* **5:14:** 2Te 3:6,11

ek nonañ lôklokwanj êndêñj nê ku mi ek nindum ku lôk nônmêm nê takatu ba êkô thêvô ma nônmêm nê vau hathak êvhaviñ sa. Ma nônmô malinyaô imbiñ avômalô sapêñj. <sup>15</sup> \*Noyabiñ am ek wak nômbêñj intu ma nundum mavi imbiñ am lôk avômalô sapêñj. Ma môlô te miñ injik anyô yan anêñj kambom liliñ ami. Mi.

<sup>16</sup> \*Wak nômbêñj intu sapêñj ma lemimmavi. <sup>17</sup> Lôk notenj mek ma miñ notak ami. <sup>18</sup> \*Ma nônmêm lemimmavi êndêñj Wapômbêñj esak malêla takatu ba habitak. Wapômbêñj anêñj lahaviñ nena môlô takatu ba ômô haviñ Yisu Kilisi nundum aêñj. <sup>19</sup> \*Ma miñ numiñ Lovak Mathenj anêñj ku loñ siñ ami. <sup>20</sup> Lôk miñ nôndô abô plopet takatu ba Lovak Mathenj hêv hadêñj môlô ami. <sup>21</sup> \*Noyawê nômkama sapêñj ma nobaloñ nôm takatu ba mavi loñ. <sup>22</sup> Ma nobasiñ am ek kambom lomalomama sapêñj.

<sup>23</sup> \*Wapômbêñj da ma yôhok anêñj ôdôñj ba tem indum môlô numbitak mathenj anôñj lôk eyabiñ unim dahôlômim lôk auk ma kupik dedauñ mavi ek kambom mi êndêñj waklavôñj atu ba alalôaniñ Anyô Bêñj Yisu Kilisi endelêm. <sup>24</sup> Ôpatu ba halam môlô hathak hasopa anêñj abô ba tem indum aêñj ek abô takêñj injik anôñj.

<sup>25</sup> \*Aiañj thêlô, notenj mek ek yêlô. <sup>26</sup> Ma nokam môlôviyanj esak kobom yôhok mathenj. <sup>27</sup> Yahananj lôklokwanj hathak Anyô Bêñj anêñj athêñj nena nosam kapyâ êntêk êndêñj môlôviyanj lôkthô.

---

\* **5:15:** Lom 12:17; 1Pi 3:9      \* **5:16:** Plp 4:4      \* **5:18:** Ep 5:20  
 \* **5:19:** Ep 4:30      \* **5:21:** 1Jon 4:1      \* **5:23:** 2Te 3:13      \* **5:25:**  
 Kol 4:3; 2Te 3:1

<sup>28</sup> Alalôaniḡ Anyô Bêḡ Yisu Kilisi anêḡ wapôm êmô imbiḡ môlô sapêḡ.

**Wapômbêŋ Anêŋ Abô Mathen**  
**The New Testament in the Malei-Hote Language of**  
**Papua New Guinea**  
**Nupela Testamen long tokples Maei-Hote long Niugini**  
copyright © 2010 Wycliffe Bible Translators, Inc. and The Malê people

Language: Hotê-Malê (Malei-Hote)

Translation by: Wycliffe Bible Translators

Contributor: The Malê people

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 21 Feb 2024 from source files dated 31 Aug 2023

c8e90bc3-6cab-57b1-9a48-04f5f30fe59a